

Бички күүкдин хувцн кергтә

Школин уулн шинәс секг-дәд, советск бичкдүд сургъулин чинриг бийстән авх — ик байртә цаг кұрч ирв.

Эн бичкдүдт дегтрмүд, тетрадъс, блокнотс болн сургъульчнрт кергтә нань чигн тоотиг гүүлгәнә организацс урдаснь меддж цаглань теткджәнә. Эн килмдж цань уга сән гидж темдглх кергтә.

Башмгар болн уя хувц-хунрар тетклгънд, мана республикин гүүлгәнә организацсар ик дутудунд бәәхиг бас темдглх кергтә.

Шидрхн бидн Черноземельск района цуг гүүлгәнә организацсин ик магазиндәр, лавксар дакад малмуд үвлзлг газрин лавксар йовдж хәләввдн. Бички күүкдин майкс, трусы, башмг, сандал, госн, вельветкс, курткс төрүц үзгдхш. Хаяхия ордж бички күүкдин уя хувц-хунр, унтә эдәр уйгдсн, ордж хулдгдна.

Цуг өрк-бул эврәннь ұрдтан 60-70 арслнъга киилг 100-200 арслнъга деер умсдг алвр, торгън э дәр кесн хувц-хунр умскдж чадхий? Тер тоотиг гүүлгәнә организацс медх зөвтә.

Одгә цагт сургъульчнрт шко-

лин форм кергтә. Альдас әдниг олдж авхмб? Күүкд болн көвүдин 400-д пар школин форм авч ирдж, района школмудар өгтхә гидж райпогъас сурлавдн. Тер сурсн мана сурвр кесгәс нааран, республикин гүүлгәнә отделд ода бийнь кевтә кевтнә.

Тер учрар мана района сургъульчнр, эн байрта шин сургъулин джилә форм угагъар, олн зүсн хувцс умссн школд ирцхәв. Эн школин форм ирхиг, эк-эцкирнь болн сургъульчнр ик гидгәр күләджәцхәнә.

Намрин бальчгта болн үвлин киниттә цаг өбрдәд аашна. Бичкдүдин көл-гаринь даарулшгон кергт, оданас авн дулан хувц-хунр белдх зөвтәвдн. Хуллад авн гив чигн, района магазиндәр болн лавксар уга болдж генүлнә.

Иим дуту-дунд йовдлмуд Яшкульск районд болн Элст балгъснл чигн бәәнә.

Бички күүкк-көвүдин хувц-хунр болн гос-башмг белдлгънд республикин гүүлгәнә организацс оньган өгх зөвтә.

М. БОБАЕВ,

Черноземельск района эрдм-сургуулин отделин заведующ.